




John Carter Brown.









This book is not on the list of  
Rich or Fenning - nor  
Harvard College

July 1845.

[Faint, illegible text, possibly bleed-through from the reverse side of the page]

LAVRENTII  
GAMBARAE

BRIXIANI

POEMATA SACRA.

AD ANTONIVM PERENOTTVM

*Cardinalem Granuellanum.*



R O M A E,  
*Apud Franciscum Zanettum*  
M D LXXXI.



AVERENTII  
GAMBRIANI  
POEMATA SACRA.  
D. ANTONIVM PERKOTVM  
Cardinalis Cancellarius.

4



ROMAE  
Apud Franciscum Scriverium  
MDCLXXXII



# DE ABRAHAM PATRIARCHA.

*Ex Gregorio Nysseno.*



## ARGUMENTVM.

Abraham iussus a Deo vt ipsi Isaac in holocaustū offerret : statim cum puero ad monstratum montem contendit ; fortiq. animo iussa peragere parantem Deus inhibuit , ac collaudauit.



*H*ÆC quamuis non te lateant PERENOTTE, videbis

*Sit gratus quantum eterno, acceptusq. parenti*

*Ille Deum qui mente colit, veneratur, amatq.*

*ex animo; ac sancta illius mandata facessit, ostenditq. Deo tot mundi regna, tot vrbes, etq. Hermi mixtas auro currentis arenas.*

*ac PERENOTTE legas, tibi si dabit otia fors an esperia Rex extrema; quo Principe terras iustitia & pietas virtusq. antiqua renisit.*

*Postquam cognatos Abraham, patriamq. reliquit, celestis iussu Domini perquirere terras*

*iuersas alio missus sub Sole iacentes:*

*et inde fame impulsus Mareotida regna petiuit,*

*etq. hinc digressus depressam habitauit in Hebron*

4 M L A V R . G A M B A R A E  
Conuallem iuxta Mambre: qua Sarra virilem  
Enixa est sobolem, quamuis atate senili  
Confecta, sterilis iam pridem, effætaq. Sarra.  
Nam Deus optatam sobolem promiserat illi,  
Cum tres hospitio iuuenes accepit amico:  
Ardua, difficilisq. etenim res omnipotenti  
Esse potest nulla; ex nihilo qui cuncta creauit.  
Mens sincera Abrahæ quamuis iam corda tuenti  
Effet nota Deo: tamen hunc tentauit, & in re  
Sensibus humanis quæ horrenda est, duraque, toti  
Ipsius ut virtus magis innotesceret orbi.  
Cum puer ergo Isaac teneris pubesceret annis,  
Ecce Deus clamans duplicatis vocibus, Abraham  
Tolle tuum natum vnigenam, quem diligis Isaac,  
Atq. locum pete, quem dicam; quo vertice montis  
Igne mihi totum incendes. mora nulla parat se,  
Atq. operi sese accingit: dehinc sternit asellum,  
Cum terra & celum nigranti obtexitur vmbra.  
Et geminos secum iuuenes adduxit, & vna  
Ipse sequebatur non equis passibus Isaac:  
Victima iam deuota Deo, mortisq. propinque  
Inscius: adest Abraham solers, & certus eundem  
Collegit ligna in nemore; atq. imponit aselli  
Collectum costis fascem; superareq. montem  
Abraham tendebat, veluti præceperat olli  
Omnipotens genitor: sed postquam tertia lampas  
Effulsit solis, lustrauit & æthera, & omnes  
Terrarum tractus radianti lumine, vidit  
Frondosam procul ipse locum, montemq. virentem.  
GRANVELLANE hominū quis nō miretur Abrahæ  
Quod patris æterni intrepide sic iussa faceffat; (mum  
Tal



POEMATA SACRA.

Tale nihil non ore loquens, nec pectore voluens?  
 Heu noua lex semper nostris contraria votis,  
 Et multis cumulata malis me vexat, & angit.  
 De patria cessi iussus, cinesque, meosq.  
 Sanguine coniunctos liqui; & regna externa semper  
 Incolui, Patris æterni mandata secutus.  
 Quid sperare mea reges de Stirpe iubebat;  
 Si gladio puerum interimo? frustra mihi dixit:  
 Te faciam in gentem magnam, populumque, tuumq.  
 Semen erit numero, quot sunt vaga sidera celi.  
 An ne sacrum hoc dicam Sarra; quæ mæsta virilem  
 Progeniem optauit toties? non illa superstes  
 Nato erit; at cadet ægra prius concussa recenti  
 Cura animam, nati interitum ne cernere possit:  
 Aut natum horribilem ad mortem comitabitur; atq.  
 Concidet illo eodem, quo natus concidet ense.  
 Ipsa foret nimium ab felix, si luminis auras  
 Postquam hausit puer ætherias, mors atra profundum  
 In somnum æternum sua lumina conclusisset.  
 Ipsa Agar dilecta mihi, natusq. senectæ  
 Iam lapsæ columen nostræ, roburque, decusq.  
 Eripitur; & nostra ferunt vota irrita venti:  
 Quos forsā fera per siluas inuenit, & ambos  
 Discerpit morsu, atq. auibus, canibusq. reliquit.  
 En etiam ceu non ageret me cura, dolorq.  
 Tantarum rerum expertem; nostriq. fuissent  
 Iam cassi lacrymis oculi; suspiria ceu non  
 Crebra nimis quaterent longo præcordia questu.  
 Hæc mihi fors rerum manet intentata, meumq.  
 Quem rerum heredem vnigenam me linqere rebar  
 Extremo hoc senij spatio; per inania celi,

Inq. avidas Syrtes tulerunt mea gaudia Cauri,  
 Non optata semel : natum nam cadere cogor,  
 Atq. illum in rapidos ignes iugulare paterna  
 Hac dextra. heu casus nullis auditus in oris.  
 Nonne fuit satius natis caruisse, nec vllum  
 Sperasse ex me me heredem, nullosq. nepotes?  
 Quem genui interimam, nec me matrisque, meiq.  
 Tanget amor, nariq. simul nil tale merentis?  
 Nempe alius non sic afflatus numine Patris  
 Aeterni, forsan corde hæc dixisset amaro.  
 Nam quis tam ferus est, qui non deploret amici  
 Vnanimis subitum interitum, casusve sinistros?  
 At non ille tamen dilecti funera nati  
 Defleuit. fleuit David postquam agmina versa  
 Auulsi, interitum & Saulis, Ionathæq. cruentum:  
 Et visum scidit, & conspersit puluere crines:  
 Insidias quamuis illi rex saepe parasset,  
 Inferriq. necem insonti mandasset acerbam.  
 Et circumstantes socij fleuere, ducesque,  
 Quos secum bello insignes rex David habebat.  
 Idem Absalonis defleuit funera nati,  
 Qui secum infestis pugnam commiserat armis.  
 Ast diuinum Abraham sermonem mente reuoluens,  
 Exequitur prope summi mandata parentis.  
 Ac postquam aerij coraspexit culmina montis,  
 Continuo hunc versus non tardis passibus ibat.  
 Vt vero montis radices venit ad imas  
 Substitit, & faciem non pallidus; at magis ardens  
 Inceptum perrexit iter; dixitq. duobus,  
 Quos secum adduxit: Vos fessi hic sistite gressus:  
 Nos vero montem soli ascendemus opacum,



Atq. ibi adorabo diuinum numen, & ipsi  
 Facta olim Domino reddam mea vota; reuertarq.  
 Ad vos cum puero perfectis ordine rebus.  
 Dehinc teneri imposuit nati ligna arida dorso:  
 Ipse ensem incuruum dextra, lauaq. gerebat  
 Semustum torrem. sed dum nemora ardua subter  
 Ambo irent taciti: blanda sic voce parentem  
 Alloquitur puer, Hircanas quæ flectere tigres  
 Posset, & Eridani torrentes sistere cursus,  
 Ne dum hominum humanos sensus, animumq. paternū:  
 Tu portas ignem, & gladium: sed victima nulla est,  
 Quæ calido tingat cultrumque, aramq. cruore.  
 Dixerat, ille autem ceu saxum immobile ponto  
 In medio positum, quod non veniente procella,  
 Non flatu Boreæ horrifono, fluctuue mouetur,  
 Sic dictis Abraham nati non flectitur vllis,  
 Quem genuit; tanto nec frangitur ille dolore.  
 Mens eadem est illi perstat: nec fundit amaras  
 Ex oculis lacrymas nece nati, aut turbidus ipse est:  
 At placide hæc responsa dedit: Mi nate relinquo  
 Hanc ipsi curam Domino. montisq. cacumen  
 Deuenit properans, quo sacram construit aram,  
 E lapide informi crebris & flatibus ignem  
 Suscitât impositum folijs arentibus. Isaac  
 Dehinc genitor natum vinculis, & fune reuinxit,  
 Et supra fascem hunc posuit, veluti foret almo  
 Parua bidens mactanda patri: tacitusq. paternum  
 Demissa ceruice ictum expectabat, & acre  
 Vulnus in altari positus: nam viderat ensẽ  
 Sublatum patris dextra, mortemq. ferentem.  
 Saltem illum blandis verbis affatus, & illum

Solatus foret amplexu, vultuq. paterno.  
 Forte alius puero mœrens hæc dicta dedisset:  
 Non ego nate volens, non in te percitus ira  
 Id facio, quem nunc teneo, & mox sternere ferro  
 Certa mihi mens est: Domini tu victima iussu es,  
 Qui mare, qui terras, qui cali condidit arces.  
 Non hostem me nate tuum, sed respice patrem,  
 Vllus edat nec te tacitum dolor: ipse ego tecum  
 Optavi semper vitam producere, teq.  
 Linqere tot rerum heredem mi nate mearum,  
 Atq. ex te genitos nostra de stirpe nepotes  
 Cernere, & ante tuos obitus me linqere semper  
 Morte mea has humiles terras, condidit sepulchro  
 Ipse tuis manibus: sed cum sint cuncta supremo  
 Postponenda Deo, mihi parce: atq. vltima patri  
 Oscula tu interea mihi non dare nate negabis.  
 Talia sed non ille animo voluebat, & vni  
 Sacro erat huic tantum intentus, dextraq. tenebat  
 Alte districtum gladium, lauaq. premebat  
 Isaac dilectum: veluti de more sacerdos  
 In sacris premere est solitus vitulumve, bidentem  
 Isaac interea vitam gladio ipse dedisset;  
 Ni foret e celso vox vertice reddita cali,  
 Atq. inclamasset duplicatis vocibus Abraham,  
 Nuntius aeterni Patris aliger, & dixisset:  
 In puerum ne extende manum, sed contrabe dextram  
 Victima nam tibi non deerit: tu vincula nati  
 Stuppea solue tui: nunc noui te mea iussa,  
 Sint ea magna licet, seruare haud pectore ficto:  
 Meq. rimes, nam te haud nati tetigit dolor vllus  
 Vnigenæ: nec me propter tua dextra pepercit



*Immerite morti addicto: tua certa voluntas  
 Ista loco est pecudis mihi case in limine templi.  
 Noluit omnipotens genitor sine cæde reuerti  
 In sedes Abraham Mambrae. namq. ille ubi vultus  
 Sustulit, aspexit vicino in vertice caprum  
 Vepribus a tergo perplexum cornua densis.  
 Tunc alacris se tollit hîmo, & letatus ad aram  
 Adduxit pecudem oblatam, cui crura pedesq.  
 Alligat, æternoq. Patri pro munere grates  
 Ingentes agit: ipse aries iugulo accipit ensem  
 Letiferum, atq. aram spumanti sanguine tingit.  
 Nati magne tui mortem non accipit Abraham  
 Rerum opifex, mundo quia prorsus inutilis esset.  
 Est patri æterno dilectus filius, in quo  
 Nostra salus posita est, necnon spes omnis in illo  
 Humani generis. longo hic post tempore formam  
 Induet humanam, & tenues exhibit in auras  
 Virgineo ex utero, & Solymis habitabit in oris.  
 Hic palmas ferro, atq. pedes traiectus acuto,  
 Atq. latus, pœnasq. graues mortemq. subibit,  
 Ut redimat mortale genus de carcere tetro,  
 Et ducat nitidas cali sublimis ad oras.  
 Significabat enim sacrum hoc crudele, cruentam  
 Horrendamq. necem Christi, plagasq. crucemq.*

F I N I S.

*Sumptum ex libello Athanasij episcopi Alexandrinae urbis de passione imaginis IESU Christi, qualiter crucifixus est in Syria, in urbe Beryto: qui citatur in septima Synodo, secunda Nicæna, actione quarta, sub Constantino iunior & Irene eius matre celebrata.*

*Petrus Nicomediae episcopus libellum huius diui Athanasij esse scribit.*

## A R G V M E N T V M.

Beryti Hebræi cum Christi effigiẽ tormentis omnibus quæ Christus pertulit affecissent: effluente elatere sanguine, quo morbi omnes sanabantur ad Christi fidem conuersi sunt.

**A**ccidit Assyriæ res hæc notissima in oris.  
 Berytus posita est inter Sidoniam, Tyrumque;  
 Quam multi Solymę gentis, nostræq. colebant.  
 Urbe domum hac magna populus Iudæus habebat:  
 Qua de more preces effundere rite solebant.  
 Vir iustus, metuensq. Deum conduxerat ædes  
 Hanc iuxta, & Christi secreta in sede locarat  
 Effigiem ex ligno: sed cum migrasset ab illa  
 Sede in sedem aliam; thalamo pius ille reliquit  
 Oblitam effigiem: nec tu mirabere, namq.  
 Consilio hæc, nutuq. Dei facta esse fatendum est:  
 Qui quondam cali de vertice venit, ut ipsum,

Morte sua mortale genus de sede profundi  
 Tartarea eripiat; nitidis atq. inferat astris:  
 Utq. bonis etiam sua tot miracula monstret,  
 Signaque, confirmetq. illos, grauiusq. malorum  
 Perfidiā increpitet. mox & conduxit eandem  
 Hebræus sedem, qua liquerat ille recessus  
 Suspensam obscuro effigiem: Iudæus at ipsam  
 Secreto positam in thalamo non viderat vnquam.  
 Sed cum luce sacra socium in sua tecta vocasset  
 Ad certos de more cibos epulasq. vetusto;  
 Atq. dapes inter positas, dum multa loquuntur  
 Inter se, thalamo sublustri vidit Hebræus  
 Accitus Christi effigiem, mentemq. furore  
 Accensus subito ardenti, se turbidus ira  
 Suscitāt, atq. domum totam clamore repleuit:  
 Et socium infrendens mala iurgia iactat in ipsum;  
 Fudit & in Christum conuicia plurima, & inquit:  
 Abramidum cum tu genus alto a sanguine ducas,  
 Inuisam hanc statuam nobis in sede remota  
 Cur seruas? tunc admirans, atq. inscius hospes,  
 Et iurans, se vnquam thalamo hanc vidisse negabat.  
 Quid dicam? siluit malus ille, silensq. recessit,  
 Primoresq. adiūt gentis; quæ cura sacrorum  
 Credita erat, factiq. notat nil tale timentem  
 Crimine iam notum a teneris, ac talibus inquit:  
 Tecta habitat quidam ex nostris, quæ proxima sacra  
 Respondent domui, solido qui ex stipite seruat  
 Confectam Christi statuam in penetralibus aris,  
 Quæ pulchra est, & magna sacris. tunc omne fremebat  
 Concilium inter se, postquam cuncti hoc scelus audax  
 Audiuere; tamen tacuit: namq. humida campos



Oceani, & terras inuoluere cæperat umbra  
 Nox picea, sed non obliti cum noua lampas  
 Solis ab Eoo lustrasset littore cælum.  
 Mane sacerdotes summo cum præside gentis  
 Vicinam petiere domum: delator Hebræus  
 Anteibat celerans omnes; nouus incola tecti  
 Intus erat, nil tale putans: qui post ubi vidit  
 Hos pulsare fores, actutum ipse reclusit:  
 Ingressi, aspiciunt intus quod dixerat illis  
 Delator: namq. in thalamo suspensa manebat  
 Haud dubia effigies Christi: tunc protinus omnes  
 Iniecere manus illi, grauiusq. vicissim  
 Opprobrijs ipsum vrgebant: dehinc verbera multa,  
 Sæuaq. per pectus thalamo eiecere gementem.  
 Tum gens ceruicis dura, Chanaamq. propago,  
 Et nobis infensa odijs, facto agmine Christi  
 Deposuerunt solo lignum venerabile, & vna,  
 Vnanimesq. serunt hæc verba infanda vicissim:  
 Quandoquidem Christi fama haud obscura, leuisq.  
 Ad nostras non tantum aures, sed nota per vrbes,  
 Atq. etiam maris extremi peruenit ad oras:  
 Atq. modis nostros varijs, verbisq. parentes  
 Irrisisse olim iam passum verbera Christum,  
 Nos quoq. progenies illorum, facta sequamur  
 Illa eadem. mora nulla alacres illudere primum  
 Cæpere huic statua, tortis & cadere loris.  
 Atq. alius rabido hæc profudit pectore: Nostri  
 E spinis Christi caput incinxere corona:  
 Nos etiam spinis cingamus imaginis huius  
 Tempora: & intactum nil nos linquamus; vt olim  
 Fecerunt nostri. tandemq. hæc perfida proles,

Et genita ex Belial, perfricta & fronte, furorem  
 concepit mente infrenem, saturata nec vnquam  
 in Christum ipsa odijs voces prorupit in illas:  
 Fabula non vana est; ferrata cuspide miles  
 amudum extincti perfodit pectus IESV;  
 Qua dextrum latus est: addamus nos quoq. partem  
 extremam hanc etiam, ne nos fecisse minus, quam  
 vestri olim fecere patres dicamur inertes.  
 Non secus ac deprensam inter nodosa leonem  
 etia; cum cingunt dextra, lauaq. molossi  
 atratu, morsuq. petunt: at leta iuuentus  
 venantum capto insultant, & spicula figunt  
 in visceribus, cum dente canes feruntq. trahuntque:  
 Parsaq. tunc circum viridis rubet herba cruore.  
 Quid dicam? tempus non longum effluxit, & hastam  
 afferre afferrī, atq. vni de gente dederunt;  
 Et pectus statua ingenti percelleret ictu.  
 Qui postquam hoc facinus inflicto vulnere fecit:  
 Res mira, & non vnquam alias audita, repente  
 Namq. & aqua, & sanguis infando e vulnere fluxit.  
 In nece signa autem Domini quacumq. fuerunt  
 et visa, atq. audita palam, quo tempore celsa  
 in cruce pendebat mundi saluator IESVS;  
 Illa eadem euenerē etiam: gentisq. minister  
 aspiciens late fuscum per membra cruorem,  
 atq. rei seriem, & factum miserabile, dixit:  
 Quem nunc finem habeat res hęc videamus; & vnam  
 afferri iubet haud parua, lateriq. cruento  
 allatam admonit, tunc qua de pectore Christus  
 magnum expirabat (visu mirabile) flumen  
 sanguinis. hęc cernens princeps sic farier orsus:

Hi quoniam qui sunt Christi praecepta secuti,  
 Atq. colunt illum, saper ipso multa susurrant:  
 Quem factus supra cunctis mirantibus omnes  
 Mortales iuisse ferunt, qua secula lapsa  
 Efficere haud potuerunt vnquam: & dixere feramus  
 Urnam hanc ad sacram sedem, aegrotosq. vocemus,  
 Quos omnes hoc vngamus medicamine: nam si  
 Quae dicuntur erunt de Christo vera, repente  
 Euadent morbo: si vero haud tabe leuatos  
 Cernemus, fient nugae, & ludibria vulgi.  
 Hydræq. actutum sacram defertur ad adem:  
 Atq. sub aëria oppressos testudine morbo  
 Acciri iussere: adsunt de more vocati.  
 Aduenitq. senex nervos resolutus, & omni  
 (Vt lucem hanc hausit) sine robore: rite sacerdos  
 Primum vnxit, primusq. abiit, liquitq. grabatum:  
 Atq. Deo grates lacrymis rorantibus egit.  
 Luminibus captos adducunt, atq. perungunt  
 Illorum cæcos oculos: qui protinus omnes  
 Optatum lumen (ceu pulsa nube) receperunt.  
 Firmare etiam claudi vestigia, & aures  
 Surdorum audiuerunt sonos, & verba loquentum.  
 Aduenerunt alij varijs languoribus acti;  
 Quorum artes medicæ haud potuerunt tollere morbos,  
 Carminare, Euboicis aut lectæ in montibus herbæ.  
 Unanimes vero Isacida, vt videre tot aegros  
 Omnes incolumes, Christo hac dixere gementes:  
 Credimus o tibi Christe, & te veneramur obortis  
 Cum lacrymis proni in terram: quem morte cruenta  
 Et turpi falso damnarunt crimine patres  
 Nostri olim: nunc a nobis hanc in cruce figi



Passus es effigiem. crimen quod fecimus omnes  
 ex animo delere tuo te Christe precamur.  
 nam. viam duc nos, duc qua tua iussa sequamur.  
 tunc dictis subito cuncti accessere ministrum  
 supremum nostræ gentis, rerumq. sacrarum,  
 et tanti huic seriem facti exposuere, & atrocis  
 criminis in Christi effigiem, veniamq. petebant  
 commissi sceleris. Præsul sermone peracto  
 illos dimisit lætos, certosq. vocauit  
 tunc sacerdotes, qui sacris ritibus illos  
 instruerent, summiq. Patris mandata docerent:  
 cuiq. hanc in multos Soles extendere curam  
 essent: quos omnes tinxere salubribus vndis  
 timores, nec non plebem. Antistesq. sacrauit  
 voce sacra illorum (cunctis adstantibus) ædem:  
 et Saluatoris mundi memorabile nomen  
 cui ædi. vnanimis cuncti imposuere vetusta:  
 et bicolore hedera, & myrto, semperq. virenti  
 alta coronarunt templi sacra limina lauro.  
 audia permixti communia declarabant  
 hebræi nostris, vultuque, animoq. vicissim;  
 nota exultabat Berytos maxima late  
 ætitia, haud tantum propter iam libera morbo  
 corpora, & insomni cura, sed propter Auerno  
 exemptas ipsorum animas, pœnaq. perenni.

FINIS.

*Miraculum imaginis Christi crucifixi in tabula  
depicta. Ex Gregorio Archiepiscopo  
Turorensi.*

ARGUMENTVM.

Hebraeus tabellam, in qua Christi crucifixi imago  
picta erat, e templo noctu raptam percussit, do-  
mumq. detulit: illa sanguine manans Hebraei ve-  
stem, & viam tinxit. Sacerdotes mane animad-  
uertentes tabellam abesse, per signa sanguinis ad  
Hebraei domum peruenere: qui re cognita lapi-  
dibus obrutus est.

**C**Vm sacra Hebraeus tabulam vidisset in aede,  
In cruce pendentis qua Saluatoris imago  
Picta erat: indignans inimico hac pectore fudit:  
En solitus sermone suo seducere turbas,  
Qui nostrae gentis turbo seuissimus, illam  
Ceu Notus, huc illuc nigrantia per freta voluit.  
Nos etiam amisso commota per aquora regno,  
Quassata vt puppes ferimur, cum apparet Orion.  
Dixit, & ingressus sub opaca est nocte sacellum,  
Et tabulam arripuit manibus, de more tenebat  
Quam clauo affixo paries prope numinis aram  
Aeterni, & gladio educto ferus ille tabellam  
Transfodit: mox occultans sub veste paternam  
Attulit ad sedem tacitus, thalamumq. petiuit,  
Cum nox & calum & terras tenebrosa teneret,  
Atq. ignem cinere obductum, lignisq. retexit,  
Traderet vt flammis animo indignante tabellam.

(Horrese)

Horresco id memorans) de vulnere quod ferus ille  
 fecerat, erupit non copia parua cruoris:  
 Ille ira accensus rabida, subitoq. furore  
 viderat haud ictum teli, nec sanguinis vndam  
 miserat ingentem; tenebras ob noctis oborta.  
 Sed postquam sparsum largo se sanguine vidit:  
 Quod tantum scelus hoc hominum penetraret ad aures  
 Permetuens, tabulam secreta in sede recondit,  
 Ulterius non illam ausus contingere, tanto  
 Attonitus factus. sed postquam lampade densas  
 dimouit noctis tenebras, lucemq. reduxit  
 Aram oriens, templi subito venere ministri,  
 atq. sacerdotes facturi sueta supremo  
 sacra Patri, templumq. ingressi, & poplite flexo  
 et capite ante aram, per fracto pariete cernunt  
 ablatam furto tabulam: trepidiq. requirunt  
 per templum, atq. aras, subterq. sedilia templi.  
 Vox dextra aspiciunt effusi signa cruoris:  
 Nam cruor ille viam maculis signarat, & ipsum  
 et exit furem: tunc sanguine semita duxit  
 da sacerdotes recta latronis ad adem:  
 trantesq. domum furem inuenere negantem  
 omnia, nec facti seriem memorare volentem:  
 adeo at non credentes, perquirere totam  
 tentiq. vnanimosq. domum, locaq. abdita testis:  
 nam tandem inuenere, sacrata inq. ade locarunt.  
 Vidam autem ex nostris nolentem vera fateri  
 nuietum furti Hebraeum, sacroq. videntes  
 sanguine concretam vestem, trepidumq. timore,  
 pruerunt multis testis prope limina saxis.

F I N I S.

B IOSEPH



EX SERMONE DIVI EPHREM  
diaconi ecclesie Ediffena de laudibus san-  
cti Ioseph Patriarchæ.

Ioseph a fratribus tunica spoliatus.

**S**E Ioseph tunica spoliatum vt vidit ab ipsis  
 Fratribus, actutum mortẽ qui inferre parabant,  
 Atq. illum in veterem cisternam trudere, visu  
 Dirigit, nil tale putans, causam licet ille  
 Nosceret inuidia atq. vdi. nam somnia, qua per  
 Dulcem nocte atra vidit, gratamq. quietem,  
 Germanis sepe incautus narrauerat: vnde  
 Inuidie caput, & crimen manarat: & ille  
 Prospiciens non posse manus euadere fratrum,  
 Ad lacrymas, humilesq. preces se vertere. namq.  
 Nullus erat, puero auxilium qui ferre supremis  
 In rebus possit: supplex se, & pronus ad ipsos  
 Vertit, vbi via vix voci laxata dolore est.  
 O fratres tam dira in me qua vos agit iras?  
 Ponite nunc animos, auresq. aduertite vestras  
 Ad me oro, nam pauca loquar. mea mater ab oris  
 Concessit dudum superis: quam deflet ademptam  
 Insolabiliter genitor. cur addere vultis  
 Patri alias lacrymas, alia insuper & lamenta?  
 Reddite me patri, atq. meas ne spernite voces.  
 Ille meos reditus noctemq. diemq. moratur:  
 Vos vero patris, & vestri miserescite fratris:  
 Perq. Deum vos obtestor, pariterq. parentem.

*At fratres precibus tantis non pectora flexi,  
 Nomine non summi Patris, qui temperat uras  
 Aethereas, quamquam ille pedes amplexus obortis  
 Cum lacrymis prostratus hami, clamansq. rogaret  
 Tot fratres, tamen in foueam misere vetustam,  
 Et mersam tenebris late & caligine densa.*

Ioseph in cisternam proiectus quid dixerit.

**C**isternam in veterem Ioseph demissus acerbo  
 Cum gemitu, sortemq. suam, patrisq. dolorem  
 Ingemuit, traxitq. dolens suspiria ab alto  
 Pectore, & hac lacrymans dixit: Pater aspice Iacob,  
 Quae nunc euenere mihi: misere profundam  
 In foueam me me hanc fratres, non verba precesque,  
 Non lacrymae, nomenq. tuum valere, sed agnum  
 Ceu rabidi inuasere lupi, ego dum tua iussa  
 Exequor, in nemorum & saltus perquirere fratres  
 Incumbo huc illuc trepidus; frustra q. meos tu  
 Expectas reditus, nunc sim cum carcere clausus,  
 Ceu latro, solitasq. mihi non reddere voces,  
 Non audire licet tibi nunc, humerisq. senectus  
 Amplius haud tua tarda meis innititur, & te  
 Non ultra aspicio, cum sim diuisus in annis  
 His teneris a te. sed quis mihi forte columbam  
 Praepetibus celerem pennis det, quae tibi nostram  
 Nuntiet aduentare necem, lucemq. supremam?  
 Iusti Abelq. tu ò terra olim persusa cruore  
 Clamasti ad caeli regem, Dominumq. Deumque,  
 Sanguine pro effuso pueri: tu nunc quoq. clama,  
 Defer & hos gemitus iam mæsti patris ad aures.

## IACOB LVCTVS.

**S**anguine cum nati tunicam vidisset Iacob  
 Respersam multo, vultum dimisit, & vlnis  
 Percussit geminis pectus, trepidansq. recenti  
 Vulnere concussus mentem, magno ipse vlulatu  
 Impleuit tecta alta domus, dehinc talia fatur:  
 An ne est ista mei dilecti vestis Ioseph?  
 Pessima quem fera discerpfit, campisq. reliquit  
 Exanimem? cur non eadem me tunc fera pro te  
 Aggrediens mihi dente latus traiecit acuto?  
 Deficiantq. oculi fletu tua funera propter,  
 Et super obducta caligine destituat me  
 Lux mea, tu quondam mea lux o nate senecta,  
 Cura recens, viuo nec te miserande relinquam  
 Ante meos obitus vitam hanc, nec vulnere possum  
 Hac tua<sup>q</sup> abluere his lacrymis, extremaq. labris  
 Oscula ferre tuis, licuit nec condere saxo,  
 Atq. aloe corpus, liquida & perfundere myrrha,  
 Induere & solitis te vestibus, & comes ire  
 Ad tumulum, sacri faciunt dum iusta ministri.  
 Atq. heu me miserum in tenebris luctuq. relinquis:  
 Quin etiam tunica hxc mecum descendet ad oras  
 Infernas: etenim sine te non cernere possum  
 Fulgentes Solis radios, non sidera noctis,  
 Mors fuerit nato, longauo eademq. parenti.

## IOSEPH VENDITVS.

**E**gregium Ioseph forma, & florentibus annis  
 Vendiderant nuper Iacob nati Ismaelitis,  
 Aegypt



Aegypti cum merce sua tendentibus oras.  
 Lumina conuertit versus, qua condita longe  
 Mater erat, memor illius tunc ora rigauit  
 Cum lacrymis, dicens: Mater, qua rupe sub alta  
 tam tumulata iaces, exurge, atq. aspice natum  
 ipsa tuum Ioseph, quem magno semper amore  
 Dilixti, tua donec erat tibi vita superstes:  
 Atq. audi, acciderit quis nunc mihi casus, & vna  
 Hanc defle mecum arumnam, & solare dolentem.  
 Namq. ego nunc ducor, tamquam prador, ad oras  
 Aegypti, & fratres me mercatoribus istis  
 Concessere mei precio, velut agnus ouili  
 esse sublati. sed qua mihi contingit vni  
 ignorat genitor, nec adhuc peruenit ad aures  
 Illius hoc facinus fratrum exitiale, ferumq.  
 insontem in fratrem admissum: priuatus Iacob  
 cum patre, sic genitrix quondam tu me queq. paruum  
 liquisti, subitam ob mortem. mea lumina fletu  
 languida sunt, lacrymarum imbre qua ferre valent non.  
 Pectore non tantos questus finisset Ioseph  
 rumpere, ter magna puerum nisi voce vocassent  
 Ismaelitæ illum lacrymantem funera matris.

Ioseph insidijs mulieris appetitus, rogat  
 Deum, vt se liberet.

P Vtiferis puerum coniuu ardebat Ioseph,  
 Sauciaq. occultum sub pectore vulnus alebat,  
 Atq. illum orabat supplex; vt vellet amanti  
 Respondere suo, curaq. equare: sed ille  
 permetuens regem celi spernebat amantis

Illecebras, blandasq. preces, & munera fidus  
 Purifaris seruus domini, & conuersus olympi  
 Sidera ad alta, Deum auxilio sic voce ciebat.  
 Summe Pater, qui me è fouea, fratrumq. meorum  
 Eripuisti olim e manibus, tu da pater, & nunc  
 Auxilium, viresq. mihi, roburq. animumq.  
 Aduersus monstrum hoc ingens, dirumq. ferumque.  
 Alme Pater, Pater alme vides quibus hæc mala tigris,  
 Pestisque, vt nullo frontem suffusa rubore,  
 Et cum muneribus multis & cum prece multa  
 Me vocer, & cum fraude petat: tu fraudibus hisce  
 Obijce nigrantem nubem, tantosq. furores  
 Illius defende precor, quos hæc fera dudum  
 Concepit, versatq. nouas suq. pectore fraudes.  
 Illa etenim non ferre moras vult, & mihi semper  
 Insidias struit, inq. suos inducere casses  
 Tentat, & occulto sperat me perdere posse  
 Flagitio, vt secum moriar, immersus inquis  
 Criminibus, & degenerem a virtute paterna,  
 Maiorumque: meas voces Iacob pater audi,  
 Ac pro me Dominum rogitā, qui te quoq. duris  
 Casibus eripuit, necnon summisq. periclis,  
 Deserat vt ne me hoc bello, quod pessima mouit  
 Fœmina me contra, tedas quæ oblita mariti,  
 Iuraque posse putat vetitis me inuoluere flammis.  
 Hæc muliebris enim pugna est magis aspera, bellumq.  
 Hoc crudele magis, quod seua hæc bellua tentat  
 In me nunc, quàm quod fratres inferre parabant.  
 Illud enim corpus tumulo dabat, hoc sed ab ipso  
 Ipsam animam patre ab aeterno, certa q. salute  
 Diuidit, indignumq. facit caelestibus oris.

Putifaris vxor quomodo Iosephum criminata fuerit  
detegit, & culpam suam fatetur.

**V**Rbem per mediam curru Pharaonis Ioseph,  
Et chlamydē intextam auro, gemmisq. gerentē,  
Aegypti ornatum Regis, quem turba virorum  
Armatorum ingens cingebat, vidit vt heros  
Putifar, obstupuit, pallorq. per ora cucurrit  
Illius: & trepidans sese in sua tecta recepit,  
Attonitus nouitate rei. nam carcere claudi  
Credulus ille olim, nimiumq. vxorius, ipsum  
Immunem tanti sceleris mandarat Ioseph:  
Vxoremq. vocans tecti in penetralibus, infit:  
Rem non credibilem dicam tibi, quam mea nunc nunc  
Lumina videre, o coniux. Hebraeus Ioseph  
Ille tuum ingressus thalamum, quo forte iacebas  
Strata super, cupidusq. tibi vim inferre, repulsam  
Est passus, clamq. effugiens vestem ille reliquit  
Admissi testem sceleris, timor ingruit, & me  
Vrget sollicitum, quia quondam seruus Ioseph  
Praesidet Aegypto: Regis namq. ille superbo  
Inuebitur curru, cinctus diademate crines,  
Et chlamyde ornatus, collum & circumdatus auro,  
Urbem per mediam. hunc omnes venerantur, & illi  
Vt Regi assurgunt. ego cum perferre nequirem  
Insignem rutilus gemmis auroq. quadrigam,  
Egregiam & iuuenis faciem, subito eripui me  
Primorum e cœtu tacitus. tunc conscia facti  
Uxor ait: Ne forte acuat tibi cura timorem  
Hæc tua, tu nunc pelle metum de corde recentem.  
Ordine cuncta tibi retegam: nam me malus error



Abstulit, ut vidi prima lanugine Ioseph  
 Flauentem roseas malas, plenasq. pudoris  
 Virginei. sed quid dicam? labefacta repente  
 Ossa per, & teneros artus noua flamma cucurrit,  
 Quae me surripuit mihi tunc, haesitq. medullis.  
 Ipsa fui, coniunx, crimen, thalamosq. iugales  
 Posthabui insano mentem concussa furore.  
 Heu quoties volui tantas extinguere flammās,  
 Atq. meos alio toties auertere sensus?  
 Ipsa tamen pueri magis accendebar amore.  
 Ipse mali haud consors Ioseph, sed me argue culpæ:  
 Parce tamen, nam vera feram, nam vera fatebor:  
 Inijcere ipsa manus puero, votisq. potiri  
 Cum vellem, tæti sola in penetrabilibus altis  
 Sollicitabam animum illius, blandis modo verbis,  
 Et modo muneribus: spreuit sed munera, nostrasq.  
 Illecebras, nec me miseram miseratus amantem est,  
 Implentemq. sinum lacrymis, & multa gementem.  
 Surdior æquoribus namq. ille immota tenebat  
 Lumina, qui solo aspectu, nutuque dolentem  
 Solari poterat, tantas & pellere curas.  
 Hic nostris tandem haud lacrymis, nostrove dolore  
 Euictus, roseo sic talia fudit ab ore:  
 Tu mea nunc domina es, dominiq. iugalia vincla  
 Rumpere connubij suades, & ledere queris  
 Fœdera consortis thalami, qui me quoque nati  
 Instar habet, dominumq. domus, rerumq. suarum  
 Constituit me, te præter? sed da mihi, quonam  
 Ipse modo facere hoc possim. mandata resoluam  
 An domini? legemve Dei, patrumq. meorum  
 Oblitus, scelerisq. reus sim deniq. tanti?

Desine arenosis committere semina sulcis.  
 His ego sermonem abrui, vestemq. sinistra  
 Illius arripui: qui tunc celeravit, amictu  
 Dimisso, per longa fugam penetralia tecti.  
 Ipsa fui tunc causa mali, non ipse, licet tunc  
 Clamassem, & thalamū implestem clamore, domūque,  
 Hæc finxi delusa nouo, & concussa dolore.  
 Sicut & ipsa fui non paruula causa ruinae  
 Illius, sum nunc caput & sum causa salutis.  
 Per me etenim regnum ille tenet, curruq. sonanti  
 Inuehitur, Regisq. loco dat iura, regitq.  
 Aegypti populos læta ditione potentes.  
 Et merito hunc regnis Pharaο prefecit auitis:  
 In me namq. fuit tacitusque, & mitis Ioseph:  
 Ille ignominia, probroq. notatus apud te  
 Me propter, quod sustinuit tunc carcere cæco  
 Damnatus, labem iniectam, maculamq. retexit  
 Vlli non vnquam de me, nec questus iniquo est  
 Flagitio. tu perge igitur cum ciuibus, & cum  
 Principibus, regemq. nouum securus adora,  
 Atq. rei seriem memora, & supplex pete pacem.  
 Maiori nam dignus erat pœnaque, grauiq.  
 Supplicio, violare ausus communia læti  
 Fœdera: sed clemens tu tantum carcere dignum  
 Duxisti, non verberibus, non compede dura.

FINIS.

IN

LAVR. GAMBAERA  
IN IEIUNIVM CHRISTI.

ARGVMENTVM.

Quadragenorum dierum ieiunium a Patribus institutum, originem ducere ait a Christi ieiunio; qui ipse post baptismum in locis solis laborauit.

**I**Nstituere patres sancti ieiunia quondam,  
Quae Christus precepta dedit, qua Sol cadit, & qui  
Tollit se, illius vestigia fida secuti:

Ipsa etenim petijt deserta, atq. inuia, perq.  
Quadraginta dies totos ieiunia seruans  
Vixit ibi solus inter caua saxa, ferasque,  
Postquam artus sacros Iordanis tinxit in amne,  
Findit Idumeos placidis qui cursibus agros,  
Gemmanti Gange, atq. ipso felicior Hermo,  
Ardentes quamuis auro deuoluat arenas:  
Namq. suis artus meruit contingere lymphis  
Illius, summae caeli qui venerat arce.

Tu vero mea sit fragilis cum vita, meiq.  
Meta incerta obitus, operum da Christe tuorum  
Partem aliquam me posse sequi, pariterq. laborum.  
Tuq. idem spes certa hominum, rerumq. potens Rex,  
Atq. tui patris aeterni mirabile lumen,  
Respice me, ANTONIQ. tui nunc dirige gressus:  
Nam felix est ille, tuo quem Christe tueris  
Praesidio, non qui mortales ambit honores,  
Non magnas Orientis opes, auramq. potentum,  
Sed ponit spem certam in te Dominoque, Deoque.  
Proq. tuis in me meritis, te laudibus vnum

Prosequa



*Prosequar, ut fas est, nec erit nox vlla, diesque,  
In qua non habeam meritas ante omnia grates,  
Dum reget hos artus cęli spirabilis aura.*

## IN CHRISTI RESVRRECTIONEM.

## A R G V M E N T V M.

Celebrat diem, quo Christus post patres ex inferis  
eductos resurrexit: narratq. multis argumentis  
Christum resurrectionem suam declarasse.

**O** *Salve ante alias anni Ver pulchrius horas,  
Dignius & vatū cantu super ęthera ferri:  
Humanos te ineunte etenim Deus induit artus,  
Et duro occubuit ligno: victorq. sepulchro  
Mane resurrexit, cum iam aduentaret Eo  
Tertia ab orbe dies. tuq. es pulcherrima, necnon  
Lux celebranda pijs, licuit cui cernere victa  
Morte resurgentem Christum. vos plaudite cuncti  
Mortales, illum celebrent volucresque, feręque,  
Et quę cęruleis pontus fert monstra sub vndis.  
Tu Sol, tuq. etiam Luna, & vos sidera, vos &  
Collaudate Deum patres, quos carcere cęco  
(Pęnarum tamen immunes) spatiosa tenebat  
Tunc regio, & late densis obducta tenebris.*

*Cum vero superas remeasset Christus ad auras,  
Intrauit tecti foribus penetralia clausis:  
Vulneraq. ostendit ligno perpeffus in alto  
Quę fuerat socijs vndentis: & iubet illos  
Tanger e corporeos artus, non corporis vmbra.*

*Illum*

*illum accumbentem mensis videre, loquentemq.  
 Ut prius, et heredas cum celi carperet antras.  
 Atq. ipsum sanctę comites videre parentis:  
 Credentesq. alij plures videre prius, quam  
 Aethereas celi victor conscenderet arets.*

## IN ASCENSIONEM DOMINI.

### ARGUMENTVM.

Christus quadragesimo post resurrectionē suā die,  
 in monte Oliueti, cunctis videntibus discipulis,  
 se in cælum sustulit, ducens secum patres, quos  
 ex inferis eduxerat. describitur & ingens beatorum  
 omnium spirituum illi occurrentiū lætitia.

**C**hristus vbi superas cæli remeavit ad oras,  
 Infernasq. domos, spoliataq. tartara liquit,  
 Ille quater denos per soles fratribus olim,  
 Quos primum elegit, Galileę est visus in oris,  
 Cælestiq. super regno admiranda locutus.  
 Deinde ad Oliueti montem contendit, & omnes  
 Cum genitrice simul coniunctos sanguine duxit,  
 Aethereas vnde ad sedes radiantis Olympi  
 Ascensurus erat, mox celi in sede locandus:  
 Qui iussi subito Christi mandata faceffunt,  
 In primisq. parens cœtu comitata piorum,  
 Qui Christi fuerant vestigia sancta secuti,  
 Vertebantq. graues in dulcia gaudia luctus:  
 Et superant alacres vicina cacumina montis.  
 Utq. locum læti tenuere, redemptor IESVS  
 Effulgens radijs cælestibus asiiit: & se

Ostendens

Ostendens illis sic suavi est ore locutus.

Haecenus o fratres vobiscum viuere vitam  
 Fas fuit: at me nunc genitor in certa reuertit  
 Regna iubet, cęliq. domos. vobis ego pacem  
 Aeternam linquo iose meam. sic factus, ab ipsa  
 Confestim se tollit humo: vultumque, manusque  
 Ad cęlum tendens cęlestes fertur in oras:  
 Atq. illos linquens, illis benedixit: & omnes  
 Viderunt comites ipsum supera alta petentem:  
 Deuicta qui morte, poli fulgentia secum  
 Astra super, summiq. vias ducebat Olympi  
 Felices animas, piceo quas carcere dudum  
 Aeternis regio tenebris immersa tenebat:  
 Qui natum, patremq. simul per læta canebant  
 Carmina: & illorum resonabat cantibus æther.

Quin etiam agnouere Deum, Dominumq. paternas  
 Intrañtem Christum sedes nitidissima cęli  
 Agmina, & e cęlo noua lux effulsit aperto.  
 Illi oculos fixos supera ad conuulsa tenebant,  
 Donec se Christus nebula circumdatus alba  
 Digrediens terris patrias remeavit ad oras.  
 Qui postquam aspexit sociorum corda recessis  
 Iam turbata suo, demisit ab æthere binos  
 Sublimi subito iuuenes in vestibis albis:  
 Qui pauca hæc alacres placido sunt ore locuti.

Progenies Ga ilęa Deo dilecta, tueris  
 Quę cęli æthereas intento lumine sedes,  
 Qualis victor ouans altum penetravit IESVS,  
 Quem vos intenti in cęlum vidistis euntem:  
 Sic olim in terram superis remeabit ab oris.  
 His dictis, cęlum terra petiere relicta.



Parte alia aligeri iuvenes plausere per altum  
 Aethera, & ingenti late exultauit Olympus  
 Legitia: aligeriq. chori cecinere vicissim  
 Ante fores sacras sublimis carmina celi:  
 Fundebantq. sonos citharæ, dulcosq. querelas  
 Alium manibus percussæ, & tibia gratos  
 Curua dabet sonitus, non sibila rustica: namq.  
 Aduentante Deo portarum claustra patebant,  
 Stellantis necnon summi spatia ignea celi,  
 Quæ numquam Sol prospexit, non candida Luna:  
 Sed Pater has nitidas sedes, lux ipsa, beatas  
 Lumine perfundit, Solem qui fecit, & astra:  
 Et circum sonuere nouis concentibus aurg. (versu

Hos PERENOTTE etiam mittit tibi Gambarae  
 Quis Christum cecinit celum ascendisse, patresq.  
 Electos olim ad tutos duxisse receptus.  
 Atq. utinam ille idem Christus stellantis easdem  
 Nos vocet ad celi latas post funera sedes.

## IN DIVVM ANTONIVM ABBATEM.

### ARGVMENTVM.

Duram Antonij in desertis locis vitam, diabolicas  
 molestias describit, exin Perenotti Cardinalis nomine  
 rogat eum, vt Deo pro se preces fundat.

**A**NTONI pater horrentis quondam incola eremi  
 Delicijs qui contemptis, rebusq. paternis,  
 Et consanguineis petijsti seu ferarum

Antra puer, vili atq. aspro contentus amictu:  
 Agresti, tenuiq. cibo: cui pocula lymphæ  
 Fontis erant, nigroq. sopor mage gratus in antro,  
 Quam Tyrio recubare toro, gemmisq. corusco.  
 Tuq. etiam innumeras veluti fax ignea gentes.,  
 Quæ Christum haud norant, duxisti ad ceria salutis  
 Gaudia, & e tenebris ad veræ lumina vitæ.  
 Sicut deduxit sublustri in nocte columna  
 Ignis ad oppositum litus, tutosq. receptus  
 Hebraum populum Aegypti de finibus olim.  
 Dum vero incoleres loca senta, & inhospita eremi,  
 Vicisti fraudes, fucataq. verba malorum  
 Spirituum: exemploq. tuo coluere relictis  
 Ascibus, & fundis homines, Aegyptia tesqua.  
 Lucifer ille malus, fastuq. elatus inani,  
 Et forma insignem vidit se, dixit: In altum  
 Ascendam calum, & ponam super ardua summi  
 Astra Patris, soliumq. meum, nomenque, nec illo  
 Inferior ero, nec factis, nec viribus impar.  
 Tartara sed postquam Deus illum trussit ad ima,  
 Et sese tanto spoliatum vidit honore:  
 Invidia, atq. odio corda est humana, dolisque,  
 Et fraude aggressus: sed non te numine Patris  
 Confisum æterni flexit terrore, minisve:  
 In taurum ille licet sese, horribilemq. draconem,  
 Aspidis inq. trucis formas, vrsiq. lupiq.  
 Perteret, atq. ignes effunderet ore, nigrumq.  
 Quaribus e fumum, crines & serperet inter  
 Flamma furens, streperetq. horrendis vocibus antruss.  
 Nec non ornatæ gemmis, auroq. puellæ  
 Et noctem saepe in faciem sese induit: & te

Dulcibus

*Dulcibus illecebris tentavi fallere frustra.*

*Nunc sacram ipse oleis orno bicoloribus aram,  
Liminaq. intendo templi, postesq. superbis  
Exquilus positos lauru, myrtoq. virenti;  
Narcisso pro purpureo, calthaque, rosaque:  
Accensaq. faeces teneo de more vetusto  
Ante aram supplex ego, qui te nomine reddo,  
A teneris & te veneror pater optime, & oro  
Digneris Patrem aeternum, natumq. precari,  
Ut me respiciat. sinat & me ducere vitam  
Hanc fragilem sine labe aliqua, & sine crimine, qualem  
Duxisti quondam in Pharys novus incola filius.*

## IN SANCTVM ALBANVM

MARTYREM.

### ARGVMENTVM.

Deus Albani ad martyrium euntis rogatu flumen  
exiccavit: quo miraculo satelles eum occisurus  
martyrij comes factus est: eiusq. percussoris oculi  
illi illico in terram cecidere.

**A**NTONI, dum tu populis das iura, bibunt qui  
Sceptri liquidos latices: Regisq. Philippi  
Sceptra, vicesq. subis: hoc nostro carmine factum  
Mirificum, rarumq. leges, quod contigit olim  
In terris, quas durus habet, fortisq. Britannus.  
Hesperios regeret cum Maximianus iniquo  
Imperio populos longe, lateq. per oras

Occiduas



Occiduas, cades facta est crudelior, atq.  
 Maior in infantes, verum qui numen adorant,  
 Quàm qua sub rigido cades commissa Nerone est:  
 Namq. hæc pestis atrox sævit bisquinq. per annos.  
 Huius erit belli diuisa Britannia nostris  
 Littoribus testis locuples: qua diruta fundo  
 Tempia, piasq. domos mæsta illo tempore vidit.  
 Albanus Verolamios non vltimus inter  
 Illa tempestate fuit: fundisq. paternis,  
 Sanguine & insignis, qui tectis accepit auito  
 Forte sacerdotem nostra de gente, timentem  
 Principis insidias sæui; mandataq. contra  
 Edita adorantes Christum, non falsa deorum  
 Numina, quæ vano gentes de more colebant.

Obscuro in thalamo hic noctesque, diesq. manebat,  
 Orabatq. Deum parcus potusq. cibi que.  
 Cum vero Albanus ipsum vidisset in ortu  
 Luciferi orantem tectis in penetrabilibus alti:  
 Illum adiit subito admirans, supplexq. rogauit,  
 Vellet vt optanti sibi pandere religionem,  
 Quam tenet. ille inquit, Non hæc sine numine Patris  
 Aeterni Albane eueniunt: nam Christus in oras  
 Te vocat athereas, ciuemq. ascribit Olympo.

Tunc ipsum erudit diuini semina verbi,  
 Monstrauitq. viam, cæli quæ ducit ad arces,  
 Dicens: Sperne deos, tamquam fera monstra profundi,  
 Quos colis, & frustra summo veneraris honore.

Interea latitare virum peruenit ad aures  
 Iudicis Albani in tectis. mora nulla satelles  
 Armatus dexa primo quatit ostia somno.  
 Albanus pœnas, mortemq. subire cruentam

Pro Christo exoptans, vili se vestit amictu,  
Indutus quo pauper erat, postesq. reclusit:  
Deinde satellitibus sese obuius obtulit ultro.

Tunc illum ducunt alta ad prætoria: qui mox  
Carcere conclusus piceo, densisq. tenebris  
Innumera est illic tormenta, & verbera passus,  
Non metuens liquidum plumbum, clauosq. trabales,  
Ex ære aut cuneos, haud sæui iudicis iram,  
Atq. minas; illum nam non erat hospitis ergo  
Tot tormenta pati, quem tecto admiserat: atq.  
Indignans illum rapidi torrentis ad amnem  
Deduci iussit subituum funus acerbum.

Dumq. locum peteret, quo mortem Albanus obiret:  
Confertum aspiciens pontem (nam plurima turba,  
Cerneret vt mortem ipsius conuenerat illuc)  
Non transire valens illum: namq. hic locus ultra  
Flumen erat, fontes pœnas quo ferre solebant:  
Quod multos secum lapides, siluasq. trahebat.  
Confestim Albanus tumida haud perterritus vnda,  
Sed palma cupidus gressum compressit ad amnem,  
Ad calum tollens oculos, supplexq. rogauit  
Aeternum parem, vt vellet deducere flumen,  
Quo siccis possent pedibus transire fluenta  
Turgida iam. mora nulla viri videre carentem  
Et strepitu, & cursu fluuium, & crepitantibus vndis.

Post vbi deuenere locum, tunc ense satelles  
Actum posito, Albanum dare qui modo leto  
Iussus erat, nouitate rei stupefactus, humi se  
Proiecit, sociumq. illi sese addidit ultro,  
Atq. fatebatur Christum solum esse colendum,  
Non Martem, Bacchum, atq. Iouē, quos ante colebat.  
Atq.

Atq. alius curuo caput abstulit ense satelles  
 Albano, quem non perfundi tunc Deus illum  
 Vlla latitia permisit: sed caderet cum  
 Abscissum caput Albani, tunc illius vna  
 In terram cecidere oculi, gladiumq. relinquens  
 Corruit in terram actutum: sacroq. cruore  
 Immersus frustra ille Iouem clamore vocabat:  
 Non verum mundi Dominum, rerumq. parentem,  
 Lapsa illi poterat qui reddere lumina solus.  
 Inq. fide miles iam factus firmior, ardet  
 Ingenti desiderio se subdere morti:  
 Quam subiit, nuper gladio qui inferre negarat  
 Albano insonti mortem, cælumq. petiuit

IN CHRISTI TRANSFIGURATIONEM.

ARGUMENTVM.

Dum Christus in vertice montis Thabor Petro, Iacobobo, & Ioanne presentibus oraret, eius facies Solis instar reluxit, vestimenta q. niue candidiora apparuere. tum vox summi Patris e caelo audita est, dicentis, Christum dilectum sibi filium, eumq. audiendum.

**C**Vm per Iudæam, & felicem Christus Idumen,  
 Atq. Palestinam diuini semina verbi  
 Spargeret, & morbis afflictos readeret agros  
 Incolumes: & spiritibus correpta malignis  
 Corpora sanaret verbo, & vestigia claudis  
 Aequaret solito gressu, lumen daret illi,  
 Qui numquam vidit lucem, & renocaret ab oris  
 Infernis homines ad cæli luminis auras,



Redderet & mutilis artus, frugumq. referret  
 Non partem exiguam verbi de semine iacto.  
 Afflatus postquam diuino numine Petrus  
 Ante omnes alios fuerat confessus IESVM  
 Christum esse, aeternumq. aeterno patre creatum,  
 Pauci abire dies, cum Petrum Christus eundem,  
 Cui Dominus caeli clauis promiserat vni:  
 Atq. duos, quos enixa est Zebedia coniux,  
 Ad celsum duxit Thabor. sed cum iuga montis  
 Ascensu aerij superassent, vertice IESVS  
 Constitit, & caelo palmas vtrasq. tetendit,  
 Effuditq. preces magno, de more, parenti.  
 Dum vero oraret, lux caelo effulsit ab alto,  
 Atq. infusa, nemus latebrosum clara retexit.  
 Ipse autem effulgens mutato apparuit ore  
 Christus, & aspectu patuit Deus: instar erat nam  
 Illius facies Solis cum surgit, & alnum,  
 Pulsa nocte, diem secum vehit, & fugat astra.  
 Quiq. sacrum tenuis corpus vestibat amictus,  
 Scythonias candore nives anteiebat, ob ipsum  
 Splendorem immensum manantem e corpore Christi.  
 Quin etiam gemini vates, quorum vnus ab oris  
 Aegypti Hebraeum populum pede per freta sicco  
 Duxit ad oppositum littus, desertaq. regna:  
 Cui statuit leges: alter cui calicolum Rex  
 Scire futura dedit, quem portauere quadrige  
 Flammiferæ in nitidam sedemq. hortosq. beatos;  
 Mira apparebant hic maiestate verendi.  
 In medio illorum stabat sublimis IESVS.  
 Dum vero inter se loquerentur de nece Christi,  
 Quæq. Hierosolymis illum subeunda manerent

Tormenta insontem, dum Patris iussa faceffit:  
 Intenta Petrus perceperat aure magistri  
 Funera dira sui: & Dominum miseratus acerbam  
 Ipsius ob mortem, sic inquit: Christe manere  
 Hoc nobis in monte bonum est: permitte precor te  
 Tres struere aerei sedes hoc culmine montis:  
 Quarum prima tibi dabitur, Mosiq. secunda,  
 Tertia & Eliæ Thesbitæ cedit: & altis  
 Sedibus his liceat nobis producere vitam.

Dum loquitur Petrus, cælo demissa sereno  
 Fulgida per tenues nubes apparuit auras,  
 Mortales illorum oculos, & pectora inumbrans:  
 Et subito vox est e clara reddita nube:  
 Filius hic meus est, atq. indubitata propago,  
 Et mihi ab æterno semper dilectus, & in quo  
 Complacui mihi. vos gentes quæ littus vtrumq.  
 Incolitis, ipsum hunc terris audite, nec vllum  
 Vllum alium. vocem hanc tres illi hausere, metuq.  
 In facies cecidere suis: nam ferre nitorem  
 Ingentem nubis, sparsamq. per æra vocem  
 Illorum haud poterant sensus: dehinc ille timore  
 Prostratos adiit, tetigitque, & talibus inquit:

Surgite, nec pavor ulterius vos occupet vllus.  
 Tunc lati surgunt oculos per cuncta ferentes,  
 Lustrantesq. caui montis latera ardua circum,  
 Non vllum videre virum: sed vertice tantum  
 Aerij montis Christum. dehinc Christus ab alto  
 Cum tribus his vna descendens monte per vmbra  
 Discipulis, iussit ne quæ modo visa fuissent  
 Ipsis monte, palam facerent mortalibus vllis,  
 Inferna donec surgens a sede rediret

Post

*Post ternos Christus Soles, & victor Auerni  
Indutus spolijs superas remearet ad auras.*

## A R G V M E N T V M.

Precaur Deum pro sacra classe contra Turcas

**T***V* mecū PERENOTTE, regis qui littus vtrum  
Ausoniae, magno positum sub Rege potentis  
Hesperiae, Tagus auriferis quam scindit arenis,  
Exequerisq. tui solers mandata Philippi:  
Tendere se classis dum nostra accingit in hostem,  
Ante aras effunde preces de more vetusto  
Ad celi terraeq. Deum, rerumq. parentem:  
Vt iuuet auxilio classem, ventisq. secundis,  
Augeat & nostris vires in praelia, & illos  
Edoceat, dextraq. tegat, roburq. tyranni  
Viribus ipse suis obtundat, & obruat vndis.  
Frangantur fastus illorum, animique, nec vlla  
Spes illos alat vltorius: redigantur at omnes  
Ad nihilum, exiguus ceu currens riuus arenas  
Per bibulas, cum Sol campos salis vrit, & aether  
Fervet ob Icarium sidus, passimq. per agros  
Languescunt herbae, & rimas agit arida tellus.  
In nos illorum nec vulnera dirigat ensis:  
Nec mortem turbatae acies, peditumq. manipuli  
Effugiant miseram: sed cum bella aspera ponto  
Permiscant, animam expirent fluitantibus vndis.

Letitia perfunde animum PERENOTTE recentis  
Nam victi cecidere hostes, pauciq. (cruore  
Aspersi tamen) ad sedes rediere paternas,  
Et sua viderunt versis vota irrita rebus.



## ARGUMENTVM.

uehitur primo in Selimum, eius arrogantiam irridens, deinde Constantinopolim nostris spolijs ditatam.

**Q**uæ tibi mens Selime fuit, postquã equore classem  
 Ionio amissam nuper, stragemq. tuorum  
 Audisti? qua confisus, te posse putabas  
 Non solum Adriacos fluctus, Tyrrenaq. ponti  
 arula, & Hesperij maris æquora, sed quoq. vastos  
 Hannibalum penetrare sinus, victorq. referre  
 In patriam prædam ingentem, regesq. ducesq.  
 Ante tuos currus, captiuos ducere: & urbem  
 Per mediam, rapida quam Bosphorus alluit vnda,  
 Ire inuictus equis, auro gemmisq. superbus:  
 Poscere & æthereos temere mortalis honores.

Namq. mare vndabat bello, atq. iniecerat atrum  
 Tunc hominum terrorem animis tua barbara classis:  
 Sed nunc, en quantum tua te spes vana fefellit,  
 Atq. incerta vides: quoniam sic euenit illi,  
 Qui numero bellantum audax spem collocat omnem  
 In regnis, opibusq. suis, nec cogitat iram,  
 Quam Deus in fontes, atq. in sæcla impia vertit.

Et nunc a Venetis Epiri in littoris ora  
 Audisti euersas arces, fusasq. phalanges.  
 Nec dubita, ipsa manus Domini fortisque, potensque,  
 Quæ gentem, classemq. tuam, mox te quoq. victum  
 In nostras eadem ipsa manus, Turca impie, tradet.

Tunc ira Pater accensus nomenque, genusq.  
 Delebit Selime tuum: veluti per aperta

Plana

Plana lutum, valido aut pulvis disiectus ab Euro.  
 Inq. tot arumnas commissa ob nostra tyranne  
 Crudelis nos incidimus, quarum haud tua classis  
 Causa fuit, non turme equitum, peditumq. caterug:  
 Sed Deus ipse tuas, nobis iratus, in iras  
 Nos miseros toties concessit, & oppida & vrbes.

Et nunc, cum sit nos celo miseratus ab alto,  
 Nec precibus nostris auertat (ceu prius) aures:  
 Iras in te acuet, quas olim exercuit in nos.

Tuq. etiam tantis vrbs quondam assueta triumphis  
 Nostrorum & spolijs diues, quam nunc ferus ille  
 Scimus premit imperio: tu turturis instar,  
 Quæ nuper thalami consortem amisit, & implet  
 Flebilibus nemoris nigramentem questibus vmbra:  
 Mortua nauali pugna, disiectaq. ponto,  
 Et monstris laniata feris tua corpora desle:  
 Et pro gemmanti palla te vestibis atris  
 Indue, & obscuris lacrymans te conde tenebris,  
 Tantæ insperatæ cladis testata dolorem  
 Insolitum, dehinc lætitiã, ludosq. repende  
 Exactos gemitu mœsto, casuq. recenti.

Tu quoq. Christe, tuæ diuinum ob matris amorem  
 In te, a te petimus, ne nos hoc tempore longa  
 Confectos ætate tuo sine numine linquas;  
 Sed serua incolumes, donec tibi nostra placebunt  
 Obsequia, & nostra veniat meta vltima vita.

F I N I S.

INNOCENTVM CAEDES.  
EX BASILIO SELEVCIAE  
EPISCOPO.

Ad Ioannem Delphinum Brixiae Episcopum.

ARGUMENTVM.

Herodes auditis Magis, metuens regno spoliari,  
misit Bethleem milites, qui omnes omnino cer-  
tae ætatis infantes interficerent: impij autem mi-  
lites Regis impij impia iussa impiè executi sunt.

**Q**uod scelus Herodes animo conceperit, & quos  
Ad tantum facinus peragendum miserit, audi,  
Pro re Romana, pro religione labores  
Cum tantos fueris passus sub frigore, & aestu,  
Ob longas DELPHINE vias: & nuper honore  
Sacro insignitus, quo præside Brixia passim  
Exultat, grates & agit pro munere tanto  
Lata Deo: vitamq. cupit te ducere in annos  
Non paucos: duce quo pecudes bona gramina tondent;  
Atq. bibunt nitidos puro de fonte liquores;  
Optat osq. ineunt subter nemora ardua somnos:  
Quod cecini ad ripas Tiberinas accipe carmen,  
Id dignum studijsq. tuis, atq. auribus etsi  
Non sit, nec numerisq. fluat, nec diuite vena.

Herodes pelli Solymorum e diuite regno  
Permetuens, postquam insontes disperdere crevit  
In Bethleem Iudæ, vicina atq. oppida circum

D ubera



*Vbera sugentes pueros: in regia iussit  
 Tecta duces clam militię, cœtosq. vocari:  
 Qui subito aduenere alacres ad iussa parati,  
 Iussa infanda auidi, fas admiscere, nefasque.  
 Tunc Rex, nunc animis opus est, & viribus, inquit:  
 Nullaq. nunc teneat mora vos: nam fama per oras  
 Iudeis vulgata refert prope mœnia Bethles  
 Esse nouum Regem natum, qui sceptrâ, decusq.  
 Eripiet mihi. me terrent oracula vatum,  
 Qui Christi cecinere ortum iam tempore multo.  
 Quin etiam Eois vidi e regionibus huc tres  
 Aduenisse viros, his sedibus exquirentes  
 Infantem nuper natum, Bethleemq. petisse,  
 Ut puerum flexo venerentur poplite Regem.  
 Ex quibus ortum ipsum Regis didicisse volebam,  
 Ut nostra caderet dextra puer ille: sed illi  
 No. ultra rediere viri. vos soluite tanto  
 Me terrore duces, vosq. armis inlyta pubes  
 Promite nunc vestras e forti pectore vires.  
 Ite citi, puerosq. omnes absumite ferro  
 Lactentes: ipsosq. etiam superate parentes,  
 Si sua forte ausint subducere pignora morti.  
 Non pietas, non vllus amor, non dona, humilesve  
 Vos flectant, moueantve preces: miscete cruorem  
 Effusum teneri infantis cum lacte parentum.  
 Istorum infantum nullus superetque, nec vllus  
 Vitales auras carpat; nullusq. cruentam  
 Effugiat mortem. sic hic meus hostis acerbo,  
 Quem metuo, interitu occumbet, vitamq. relinquet:  
 Sic ego me tantis exoluam deniq. curis,  
 Laxabitq. animum strages noua. vos mihi porro*

*Securum ipsi animum præstabitis. hæc ubi dixit  
 Ille ferox; tunc hi tardis non passibus urbem  
 Regalem ingressi Bethleem, vicinaq. circum  
 Oppida, cedebant quæq. obuia pignora matrum  
 Lugentum, largo madefactaq. terra cruore est  
 Lubrica, nec quis poterat tunc sistere gressus  
 In triuijs: quin tectorum in penetralibus ipsos,  
 Tamquam hostes, pueros quærebat miles, & alter  
 Miscebat pueri lactis cum matre cruorem,  
 Transadigens ferro maternum pectus acuto.  
 Mœrentes aliæ, manibus quæ forte premebant  
 Infantum membra, illa eadem diuisa tenebant  
 Crura, pedesque: ferus nam brachia miles habebat.  
 Illa fugam celerans nota ad diuortia, natum  
 Mæsta sinu portans, in corpora trunca ruebat,  
 Atq. cadens puerum saxo illidebat acuto.  
 Infans siue aliquis sub tecto forte latebat,  
 Proditus ipsius vagitu, sedibus illum  
 Deturbabat atrox subiecta in saxa satelles.  
 Haud secus irruere in pueros, quàm turba luporum  
 In pecudes sparsas siluis, dum gramina tondent.  
 Et vestes matrum, & puerorum sanguine cunas  
 Sparserè: intepuit tellus, ensisq. cruore.*

*Postquam optatum habuit cædes hæc impia finem  
 Herodis seui, mox illatibilis urbem  
 Confusam Bethleem sublatus ad æthera clamor  
 Turbauit: trepidi natos deslere parentes,  
 Et fratres lugere suos, quos hauserat ensis  
 Innocuos: gemitumq. dabat mœstissima mater:  
 Clamabantq. palam cuncti per compita passim,  
 Numquam tale senes facinus vidisse, nec umquam*

*Auditum tale excidium: lacrymisq. vicissim  
Lumina perfusi, natorum membra, nepotumve,  
Aut fratrum trunca in triuijs, domibusve legebant,  
Atq. dabant tumulis, Herodi dira precantes.*

*Sed quis luminibus siccis memorabit acerbam  
Temporis illius cladem, immanisq. tyranni  
Sauitiam? nam cum mater daret vbera nato,  
Illa sui infantis tingebat sanguine, & vno  
Sæpe ictu gladij miles puerum atq. parentem  
Prosternebat humi, & matris, natiq. fluebat  
Permixtus cruor in terram, milesq. ruebat  
In puerum toruum aspiciens, læuaq. premebat  
Semianimem infantem; mucronem dextra tenebat  
Districtum: mater dicebat, Me pete ferro,  
Me prius, aspiciam ne nati funus acerbum.  
Tantus amor cædis fuit his, tam dira cupido.*

*Herodes vitam regni securus agebat,  
Ob eadem nuper factam, velut hoste perempto  
Duceret insignes victor media vrbe triumphos.  
At Deus omnipotens patrati criminis vltor  
Morbum illi seuum immisit, quo victus in auras  
Indignantem animam perfracto viscere fudit:  
At pueros Abrahæ in gremio, requieq. locauit.*

*Quid tibi quaeso animi Herodes furibunde fuit tunc,  
Ipse Magis cum dixisti, te velle potentem  
Suppliciter flexo venerari poplite Regem?  
Et tua calliditas facile est detecta, dolusq.  
Iste tuus, cum tu iussisti perdere ferro  
Vbera sugentes pueros: cladesque, cruorq.  
Illorum effusus terram super, arguit altam  
Sauitiam, scelerate, tuo quæ corde latebat.*



Non etenim venerè Magi de partibus Indis,  
 Vt puero dent dona tuo regalia, quæ non  
 Illi conueniunt, quamuis sit regia proles  
 Filius iste tuus. tuq. hunc depone timorem,  
 Atq. hanc curam animo: tuus hic puer haud erit heres,  
 Successorq. tui regni, scelerate, times quem  
 Regnaturum olim his terris te Rege subacto.  
 Non terrena rapit, qui dat cælestia regna.  
 Dic mihi, quæ te pœna manet seuissime regum?  
 In pueros ausum infantes distringere ferrum,  
 In matresq. ipsas, si quæ se opponere tentent,  
 Pro natisq. velint vitam exhalare cruentam.

## IN SANCTVM IOB.

Ad Vincentium Stellâ Brixianum Iurisconsultum.

## ARGVMENTVM.

Sancti Iob patientiam ecelebrat, animique constan-  
 tiam, quippe qui rebus omnibus amissis, filijs  
 domus ruina oppressis, totoque corpore sanie  
 fluenti, Deum semper laudauit.

**D**iuēs agri, & pecoris diuēs, simplexque, Deumque  
 Iob metuens, rectusque, atq. inter primus Eoos  
 Sanguine, & egregia natorum prole suorum,  
 Vt sensit cladem illorum, rerumq. ruinam:  
 Ad terram tacitus confestim corruit, & sic  
 Pronus adorauit cæli terreq. parentem:  
 Atq. animum tanto casu non turbidus infit.  
 Sum nudus matre egressus, nudusq. reuertar  
 In terram putrem: Dominus dedit hos mihi natos,  
 Abstulit hos idem Dominus: sic deniq. factum est,

*Vt rerum Domino placuit. laudabile semper  
 Sit sanctum Domini nomen. sed post ubi morbo  
 Informi Iob est percussus ab hoste maligno:  
 Tunc thalami consors illi insultabat amaris  
 Vocibus, aspiciensq. illum taboq. fluentem,  
 Et sanie oppletum immunda, sic inquit: an in te  
 Simplicitas tua perstat adhuc, o credule coniux.  
 Nunc morere, atq. Deo benedic. tunc subijcit ille:  
 Tu veluti stulta hæc loqueris: si tot bona nobis  
 Nunc amissa Deus concessit munere quondam,  
 Cur non equo animo patimur mala, dura licet sint?  
 Omnibus his Iob erumnis, tantisq. nefandam  
 Haud culpam admisit, peccando nec sibi fecit.  
 Iratum, insensumq. Deum verba impia fur dens.*

*Carmine te hoc nostro solari Stella volebam  
 Iob iusti exemplo, postquam peruenit ad aures  
 Fama meas, natos vrbis duo lumina nefirg  
 Occubuisse tuos morti, ac te dira tulisse  
 Funera non fractumq. animo, nec viribus vllis  
 Exhaustum, quamuis premeret te tarda senectus,  
 Communisq. dolor patriæ, patriaq. procella  
 Pestis inundantis, virides ceu Nilus in agros.  
 Percipiens equidem miror, miratur & omnis  
 Brixia, tot casus inter tua pectora vinci  
 Nescia, nec cessisse malis: cunctiq. recentem  
 Ob plagam haud faciem mutatum, aut ora fatentur.  
 Te flentem surgens sidus non vidit Eoum,  
 Nec fletu perfusa nouo tua lumina Vesper.  
 Perge sequi mandata Dei, mi Stella, velisq.  
 Quod voluit Pater omnipotens, ac pectore serua  
 Perpetuo Iob in rebus quæ dixit egenis.*

IN SANCTVM PAVLVM  
APOSTOLVM.*Ad Federicum Ranaldum Bibliotheca  
Vaticanae custodem.*

## ARGVMENTVM.

Narrat quomodo Paulus ab impietate ad Christum sit conuersus, quanta pro eo passus sit, quot regiones peragrauerit Christianam pietatem docendo: quodq. tandem Romæ cum Petro sub Nerone martyrij palmam adeptus sit.

**S**criptores Latios, Graiumq. volumina dum tu  
Euoluis Federice, leges Ranalde pericla,  
Et vitam Pauli breuiter, quam mittimus ad te  
Dum patrias colis ipse oras, qua currit Aternus,  
Adriacosq. sinus vitreo cum flumine tendit,  
Et tua culta rigat Radiani ad mœnia parui.

Dum peteret Saulus multis comitantibus vrbens  
Quæ prima est Syria, diuesque, opulentaq. rerum,  
Ore vomens rabiem, spiransq. immane, minansque,  
Ceu lupus in sacrum Domini, vel tigris ouile:  
Ad subitam Christi vocem mansuetior agno  
Euasit, cum lux calo demissa sereno  
Circumsepsit eum, & strauit, lumenq. repente  
Occidit, atq. oculorum aciem obduxere tenebræ.  
Quique prius Christi fuerat cultoribus hostis  
Hostis atrox, tinctasq. manus insontis haberet  
Sanguine: dehinc sancto pro Christi nomine pœnas



*Viuens sustinuit varias, & deniq. mille,  
Diuersosq. etiam terra, pelagoq. labores:  
Obrutus & saxis, ponto & ter naufragus alto,  
Atq. ignominiam passus, tergoq. flagella.*

*Saluè Paule pater, prisco tibi nullus ab auo  
Sanctorum eloquio certauerit: omnia cedant  
Sæcula, quæ fuerunt, & erunt venientibus annis.  
Nil equidem mortale sonas, dum tu ora resoluis,  
Aurea diffundens diuini semina verbi.*

*Tuq. Deum spirans, diuino & numine raptus  
Tertium ad æthereum calum, sedesq. beatas,  
Audisti, mortali vlli quod dicere non est.  
Indæasq. tuis terres sermonibus vrbes,  
Et reseras illis sacrorum oracula patrum,  
Et Christum aduenisse pijs iam patribus olim  
Promissum memoras fora per, per templa, domosque.  
Tuq. Asiæ terras peragrasti, & Persidis oras,  
Atq. Arabiæ, Hispanosq. situs, Cyprûque, Rhodûque.*

*Ipse & aderantes ignotum numen Athenas,  
Atq. Ephesum tu tendis iter, & Thessala tecta:  
Iussa docens populo summi patris ore disertio.*

*Est tua per varios casus exercita virtus:  
Et tandem in Latium ductus, quo sæua tenebat  
Sceptra Nero, gladio occumbis sub Casare eodem,  
Vno eodemq. die, nec non illa vrbe pependit  
In cruce qua Petrus: cui soli Christus alendas  
Ipse suas mandarat oues, dum spargitis ambo  
Romulidum populo diuini semina verbi.*

*Tuq. roga Patrem æternum, concedat vt olim  
Iam cursu vite exacto, ad sublimia celi  
Atria detur iter nobis, sedesq. piorum.*

## DE PELINI VITA.

*Ad Marinum Ranaldum.*

ARGUMENTVM.

Pelinus audiens Iuliani Imperatoris in Christianos  
 sæuitiam, Dyrracchio patria relicta Brundusium  
 petijt: vbi Episcopus creatus est. Deinde Iuliani  
 iussu Romam profectum Cornicularius Præses  
 inde vincum Corfinium duxit. cumque ab eo  
 Marti sacrificare iuberetur, fusa ad Deum prece  
 iussit satanæ, vt & Martis statuam frangeret, &  
 templum dirueret: quo corruente multi, & in  
 iis Præses, oppressi sunt. Hoc viso Martis sacer-  
 dotes ira perciti, eum verberibus prius cæsum,  
 vulneribus confecerunt.

**P**elinus proavisq. potens, & diuite censu,  
 Quas possedit opes cunctas diuisit egenis,  
 Factus inops terris, calo ditissimus alto,  
 Acceptusq. Deo, dum vitam hanc viueret, idem  
 Post obitum summo est ciuis transcriptus Olympo:  
 Et rerum summam obtinuit, Romanaq. scepra  
 Iulianus Christi desertor; iussit vt omnes  
 Per terras colerent gentes simulacra Deorum  
 Turpia, quæ magnus dudum vndiq. Constantinus  
 Sustulerat, fixa & venerari lege vetarat:  
 Dyrracchium liquit patriam subito, hoc vbi sensit  
 Pelinus, non ferre valens hæc impia iussa:  
 Atq. tribus socijs comitatus venit ad urbem

Brum-

Brundusij, Adriacos sulcans placido aequore fluctus.  
 Miro Pelinum populus decorauit honore.  
 Dehinc urbis factus Praesul, rectorq. sacrorum,  
 Relligionis erat summus defensor, & aras,  
 Vanaq. temnebat falsorum numina diuum.  
 Duceret & magna cum Cornicularius vrbe  
 (Ad quam Iuliani accitu deuenerat vltro)  
 Corfini ad sedes deuinctum colla, manusq.  
 Ferro Pelinum rigido, iussisset, & ante  
 Urbem ipsam populum Marti facere impia sacra:  
 Talibus aggreditur Pelinum Praeses, & infit:  
 Nunc socijs Peline tuisque, tuaq. saluti  
 Consule, Mauortiq. Deo fer sacra, libensq.  
 Accede ad positas aras. tunc subijcit ille,  
 Quem vestra fecere manus, non hunc ego Martem  
 Turicremis vnquam supplex venerabor acerris.  
 Non ego saxa colo, non aes, fuluumve metallum,  
 Ficta quibus sunt ducta Deum tot numina, & aris  
 Imposita, haec tanto qua vos celebratis honore.  
 Lumina habet, naresque, auresq. haec Martis imago,  
 Atq. pedes, atq. ora, manusque, & non tamen illa  
 Marmorea effigies cernit, loquiturve, nec audit,  
 Inceditve, mouetve manus, nec sentit odorem.  
 Ipse Deum veneror viuum, qui regnat in oris  
 Aethereis. Praeses tunc ira accensus amara  
 Talibus infremuit dictis; furibundus in oris  
 Ceu leo Massylis capream cum rupe latentem  
 Conspexit, nec adire audet saxa ardua propter,  
 Ascensuq. locum haud facilem. tunc turbidus infit:  
 Per caput hoc tibi nunc iuro, magniq. salutem  
 Caesaris ipse hodie nolisve velisve Gradino



Thura dabis; vel eris Peline leonibus esca.  
 Tunc ille orauit subito sua lumina vertens  
 Talibus ad caelum: Tu qui me linquere numquam es  
 Rebus in extremis suetus pater optime, da nunc  
 Auxilium, vt cernat gens hæc incredula & exlex,  
 In terris tua sit qualis, caloq; potestas.  
 Debinc satanq; qui sub simulacro ex ære latebat,  
 Iussit vt accelerans exire: imagine falsa,  
 Frangeret, & statuam, simul atq; euerteret ædem  
 Fundiens in signem ornatu. mora nulla columna,  
 Et templi cecidere fores, & corruit ingens  
 Moles: pulsa foret validis ceu flatibus Euri,  
 Fulminibusve polo missis, subitave ruina.  
 Oppressit multos operosa hæc machina ciues  
 Dum caderet: sed Pontifices quibus vnica templi  
 Cura erat, & sociorum vmbra, vmbraque, perempti  
 Praesidis vlcis ardebant, stragemq; recentem:  
 Actutumq; manus illi iniicere neganti  
 Esse Deum Martem, atq; alios, quos turba colebat,  
 Spirituum decepta dolis, & fraude nocentum.  
 Pelinus tandem cecidit percussus acerbis  
 Vulneribus, virgisque, tulit que haud territus ante  
 Mortem ipsam, inuictusq; animi licet accelerans mors  
 Instaret, gelidos vita & iam linqueret artus.  
 Exiit hic felix Pelini, & vita Marine:  
 Cui circum indigenæ gentes fecere sepulchrum  
 Tanario structum e saxo, templumq; dicarunt  
 Illi ingens, donisq; opulentum, & numine Patrie  
 Aeterni positum Pelignis sedibus olim,  
 Nomine Pelini qui nunc dicuntur ab ipso:  
 Hic vbi erant quondam Corfini mœnia magna

Peligna

Peligna gentis caput vrbs tunc maxima, nunc quo  
 Diruta, & apparent vestigia magna ruinae:  
 In quibus est ædes celeberrima dicta Pelino,  
 Vrbes quam circum multa, & vicina frequentant  
 Oppida, & innumeris onerant altaria donis.  
 Felices vos indigenæ, queis contigit olim  
 Aetheream his terris tanto sub præside lucem  
 Haurire, atq. illi meritos decernere honores,  
 Et canere illius non vno carmine laudes:  
 Liquerit vt patriam sub prima etate, paternis  
 Posthabitis tot sponte opibus, caramq. parcentem,  
 Vt sancta innumeros pro religione labores  
 Pertulerit: quem Iuliani non verba, mingq.  
 Flexerunt, quem non mors aspera terruit vnquam:  
 Ut verbo structam Marti disiecerit adem,  
 Fecerit vtq. inter miracula plurima gentes:  
 Tu nostra fidei cultor pater inclyte salue,  
 Ferq. preces nostras summi omnipotentis ad aures,  
 Tecta suo vt sit sub clypeo Renalda propago.  
 Tuq. decus patriæ clarum, Federice, tuæq.  
 Ceu nitidum lumen Renaldæ gentis, & ingens  
 Præsidium, columenq. velut grauis anchora, quæ cum  
 Iacta mari tumido est, tutatur dente carinam  
 Incuruo, pelagiq. minas non horret, & estus,  
 Littoraq. abrupto plangentes sidere ventos.

SANCTI PELINI MIRACVLVM.

*Ad Dominicum Ranaldum.*

ARGVMENTVM.

Mulier cæca audiens Pelinum miraculis clarum,  
 eius templum adire decreuit, dumq. iret paula-  
 tim caligo ex oculis recedebat: tandem cum in  
 eius templo post Sacrum Eucharistiam sumpsif-  
 set, confestim clara luce vti cœpit.

**D**ominice egregiam super omnes dum colis urbem,  
 Quàm vetus intortis interluit Albula lymphis,  
 Et vigil euoluis sacrata volumina legum,  
 Audi oro Ranalde tuis quod contigit oris,  
 Flumine quas gelidus procuruo scindit Aternus.  
 Tu quoq. nam condis cultum & memorabile carmen,  
 Firma tibi nondum quamuis aduenerit ætas.

Cæca oculos quondam mulier pauperque, Theano  
 Quam genuit posita in Sidicinis inclyta terris,  
 Audiuit postquam miracula nota per oras  
 Pelini Ausonias: oculis se cernere posse  
 Certam animo spem concepit, patriamq. reliquit  
 Consurgens stratis, cum lux albescere ab oris  
 Auroræ inciperet, nitidoq. retexeret ortu  
 Clara suo cali spatium, terrasq. patentis.  
 Quid dicam? magna hanc tenuit fiducia, tanto  
 Curari morbo precibus meritisq. Pelini  
 Se posse, æternoq. Patri debere salutem.  
 Atq. iter arripuit subito, non territa longam  
 Ire viam, dubitans casus nec adire frequentes.

Sed



*Sed loca per dum ferret iter satis aspera, molemq.  
 Et montes pedibus nato comitante; genas cui  
 Vestibat teneras primæ lanuginis atas,  
 Per tenebras veluti visa est se cernere natum,  
 Qui dextra laeuam matris de more tenebat,  
 Et sese est aperire procul via visa; locumq.  
 Optatum, quanto mulier magis accedebat,  
 Hæc tanto magis hauribat lucemq. diemque.  
 Mox ingens templum Pelini ingressa, precesq.  
 Dum fundit, caligo oculis obducta precanti  
 Illa recedebat sensim, lumenq. redibat  
 Paulatim: veluti in teneras vigor humidus herbas  
 In nemorumq. solet frondes, cum terra recentem  
 Ob partum ridet formosi Veris in ortu,  
 Dum picturatos spectat sua pignora flores;  
 Et veluti cum mane nouo Sol aureus omne  
 Obductum tenebris immissa luce serenat  
 Calumque, & pelagi tractus, terrasq. patentem.  
 Pelini at postquam pia sacra audiuit ad aram,  
 Et Christi corpus sacratum sumpsit, ibi omnes  
 Actutum ex oculis tenebræ fugere, recepitq.  
 Amissum subito lumen, rerumq. parenti  
 Immensas egit grates, pariterq. Pelino.  
 Venerat & duce quæ nato & sine luminis vsu,  
 Ipsa videns, non vsa duce, ad se lata reuertit.*

## IN TOBIAM.

Ad Simeonem Gugnetum Metensem.

## ARGUMENTVM.

Narrat Tobie in Deum pietatem, in cohortandis ad virtutem fratribus, eorumque inopia subleuanda, atque in sepeliendis mortuis benignitatem: quodque ne Regis quidem minis à bonis operibus deterritus sit.

**T** *V* Gugnete etiam, quo non est inter amicos  
 Præcipuos nec candidior, nec certior alter,  
 Sis nostri memor interdum, me Brixia quamuis  
 A te detineat longeque, & dulcibus olim  
 Colloquijs, dum tu reserebas ordine nodos  
 Difficiles sacra legis, decretaq. patrum,  
 Quo genus e densis tollunt mortale tenebris  
 In nitidum cali lumen, sedesq. piorum.

**TOBIAS** assuetus erat puerilibus annis  
 Et præcepta Dei seruare, viamq. tenere,  
 Que ducit superam ad sedem stellantis Olympi.  
 Ipse solebat enim Hebræos inuisere semper,  
 Atq. iuuare opibus, tot fictaq. spernere sacra,  
 Et vitulos templo positos; quos fecerat auro  
 Ex solido Rex Ieroboam; tendebat at urbem  
 Hierusalem celsam Tobias, atq. ibi sacro  
 In templo simplex Domino consueta ferebat  
 Sacra: Deus nullo Tobiam tempore liquit,


Captiuus


36                    L A V R. G A M B A R Æ  
 Captivus quamvis esset: nam principis auram  
 Salmanasar subito meruit: sic iusserat ille,  
 Ille sator rerum, mundi.q. immobilis auctor:  
 Huic libertatem nam Rex concessit, & vna  
 Pergere quo vellet, comitesq. inuisere captos.  
 Et quamvis illum arguerent, quod conderet ipsos  
 Lumine iam cassos terra, patrioue sepulchro;  
 Quod Rex Sennacherib vulgata lege vetabat:  
 Non tamen abstinuit sese, quin casa piorum  
 Corpora multa virum tegeret tellure; silens cum  
 Iam medios noctis cursus vaga Luna teneret:  
 Sollicitum tamen hunc non terror regius, aut mors  
 Urgebat: timor at Domini, quem corde gerebat  
 Infixum totosq. dies, noctesque, nec vllam,  
 Vllam aliam firmo voluebat pectore curam,  
 Quam monitus, & sancta sequi mandata Tonantis.

F I N I S.

*Est S. Petri de Perusio.*







H581<sup>c</sup>  
G188d







